



Broj: 10/E-11-4836/26
Sarajevo, ~~19-08-2026~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24 - u daljem tekstu: Zakon), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj: 23/04), a na prijedlog Komisije za nabavku roba, usluga i radova I (u daljem tekstu: Komisija I) imenovana Rješenjem Opštinskog načelnika broj: 10-45-149/26 od 06.03.2026.godine, u postupku javne nabavke usluga popravaka i održavanja javnog prostora i objekata u vlasništvu Općine Centar Sarajevo (građevinsko-zanatske usluge), (Zapisnik o pregledu i ocjeni ponuda broj: 10/E-11-4836/26 od 05.08.2026.godine), Opštinski načelnik donosi:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda broj:0421/26 od 05.08.2026.godine ponuđača „**DINALSA**“ d.o.o. **Sarajevo, ulica Huseina Đoze 3, 71000 Sarajevo**, ID broj: 4200426560007, za usluge popravaka i održavanja javnog prostora i objekata u vlasništvu Općine Centar Sarajevo (građevinsko-zanatske usluge), putem konkurentskog zahtjeva za dostavu ponuda, u ukupnom iznosu od **7.690,00 KM bez PDV-a**, odnosno **8.997,30 KM sa uračunatim PDV-om (zbir svih jediničnih cijena)**.
- II.** Ugovorni organ će sa izabranim ponuđačem zaključiti okvirni sporazum na period od 12 (dvanaest) mjeseci, kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 (sedam) dana, shodno članu 71. Zakona.
- IV.** Odluka će se objaviti na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak za usluge popravaka i održavanja javnog prostora i objekata u vlasništvu Općine Centar Sarajevo (građevinsko-zanatske usluge), pokrenut je Odlukom Opštinskog načelnika o pokretanju postupka broj: 10/E-11-4836/26 od 20.07.2026.godine, putem konkurentskog zahtjeva za dostavu ponuda, Obavještenje o nabavci broj: 848-7-2-123-3-176/26 od 24.07.2026.godine. Procijenjena vrijednost nabavke iznosi 7.693,00 KM bez uračunatog PDV-a.

U određenom roku za predaju ponuda – 05.08.2026. godine do 10,00 sati, dostavljene su 2 (dvije) ponude, kako slijedi:

1. **SOD „FAZA“ Sarajevo**
2. **„DINALSA“ d.o.o. Sarajevo**

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

RB	PONUĐAČ	Ukupna cijena bez PDV-a	Popust	Ukupna cijena sa popustom bez PDV-a
1.	SOD FAZA Sarajevo	2.104,00	-	2.104,00
2.	DINALSA d.o.o. Sarajevo	7.690,00	-	7.690,00

Nakon izvršenog otvaranja ponuda, Komisija I je pristupila detaljnoj analizi dokumentacije priložene uz ponude u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima, te konstatovala sljedeće:

- Ponuda ponuđača SOD FAZA se isključuje iz daljeg postupka evaluacije jer ponuđač nije postupio u skladu sa tačkom 8.1.4. tenderske dokumentacije, ponuda nije uvezana na način kako je to propisano tačkom 8.1.4. TD. Takođe, ponuđač u svojoj ponudi nije dostavio dokaz u skladu sa tačkom 7.2. Sposobnost obavljanja profesionalne djelatnosti - **Aktuelni izvod iz sudskog registra, ili rješenje o upisu u sudski registar ili posebnu izjavu/potvrdu nadležnog organa kojom ponuđač dokazuje pravo obavljanja profesionalne djelatnosti, koja je u vezi sa predmetom nabavke (original ili ovjerena kopija), te u skladu sa članom 2. stav I pod 3) ponuda je nepravilna.**
- **Ponuda ponuđača DINALSA d.o.o. Sarajevo je prihvatljiva.**

Rangiranje prihvatljivih ponuda prema kriteriju za izbor ponude „najniža cijena“ u skladu sa članom 64. stav 1. tačka b):

RB	PONUĐAČ	Ukupna cijena bez PDV-a	Popust	Ukupna cijena sa popustom bez PDV-a
1.	„DINALSA“ d.o.o. Sarajevo	7.690,00	/	7.690,00

Komisija I je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

ponuđača „**DINALSA**“ d.o.o. Sarajevo, ulica Huseina Đoze 3,71000 Sarajevo, broj:0421/26 od 05.08.2026.godine, za usluge popravaka i održavanja javnog prostora i objekata u vlasništvu Općine Centar Sarajevo (građevinsko-zanatske usluge), putem konkurentskog zahtjeva za dostavu ponuda, u ukupnom iznosu od **7.690,00 KM bez PDV-a**, odnosno **8.997,30 KM sa uračunatim PDV-om (zbir svih jediničnih cijena)**. **Sa ponuđačem će se zaključiti okvirni sporazum na period od 12 (dvanaest) mjeseci.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema iste, shodno članu 101. Zakona. Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona. Žalba se podnosi u dovoljnom broju primjeraka, a koji ne može biti manji od 3 (tri). Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak u iznosu propisanim članom 108. ovog zakona, obavezno dostavlja ugovornom organu dokaz o uplati i kopiju bankovnog izvoda računa sa kojeg je izvršeno plaćanje.

Prilog:

Zapisnik o pregledu i ocjeni ponuda, broj: 10/E-11-4386/26 od 05.08.2026.godine

Dostaviti:

1. „DINALSA“ d.o.o. Sarajevo, ulica Husein Đoze 3,71000 Sarajevo
2. SOD „FAZA“ Sarajevo, ulica Pod Hridom 29,71000 Sarajevo
3. Kabinetu općinskog načelnika-Odsjeku za javne nabavke
4. Službi za zajedničke i tehničke poslove
5. Službi za finansije
6. U spis

